

## Script of Morning Gojri News Bulletin 26 September 2024 at 1015Hrs

ما رنینگ گو جری نیوز بلیٹن مورخہ 26 ستمبر 2024

\*\*\*\*\*

یوہ آکا شوانی جموں بے محبوب سلطانی تیں خبر سَنو۔

### Rec EC JK

جموں کشمیر اسمبلی انتخابات غا دوجا مرحلہ غے تحت ریکارڈ تعداد مانہہ 57 عشاریہ 3 فیصد ووٹینگ درج کی گئی ہے۔ دوجا مرحلہ غے تحت ضلع بڈگام، گاندر بل، پونچھ، راجو ری، ریاسی تے سرینگر غا 26 اسمبلی حلقاں مانہہ ووٹینگ کرائی گئی ہے۔ بھارتی چناؤ کمیشن غی طرفوں ملی حالیہ جانکا ری غے مطابق جموں صوبہ مانہہ کشمیر صوبہ توں متی ووٹینگ درج کی گئی ہے۔ اس ضمن مانہہ ریاسی ضلع مانہہ سب متی 74 عشاریہ 70 فیصد جد کہ دوجا تے تیجا نمبر مانہہ پونچھ تے راجو ری ضلع ہیں جن مانہہ بالترتیب 73 عشاریہ 80 فیصد تے 70 عشاریہ 95 فیصد ووٹینگ درج کی گئی ہے۔ شری ماتا ویشنو دیوی حلقہ انتخابات مانہہ سب توں متی 80 عشاریہ 74 فیصد جد کہ اسمبلی حلقہ سرنکوٹ تے پونچھ حویلی مانہہ بالترتیب 74 عشاریہ 95 اور 74 عشاریہ 66 فیصد ووٹینگ درج کی گئی ہے۔ منیو جا ربیو ہے اگلا کُجھ تہاڑاں مانہہ اس مانہہ بابدو ہون غی تو وقعہ ہے۔ اُنکاں کشمیر صوبہ مانہہ سب تیں متی 62 عشاریہ 98 فیصد جد کہ گا ندر بل تے سرینگر مانہہ بالترتیب 62 عشاریہ 51 فیصد تے 29 عشاریہ 81 فیصد ووٹینگ ہوئی ہے۔ اعلیٰ چناؤ کمشنر راجیو کمار نے کہیو ہے جے انتخابات جموں کشمیر مانہہ تا ریخ رقم کر رہیا ہیں۔ کیونجے ات غا لوگتشدد تے بائیکاٹ توں ہٹ غے جمہوریت ور بھروسو رکھیں۔ اُنہاں نے اس گل نانہہ اُجاگر کرتاں واں دسیو ہے جے سخت حفاظتی بندوبست غے نال نال پولینگ سٹیشناں ور ویب کا سٹینگ جیسی سہولیات وی فراہم کی گئی تھیں۔ تانجے شفافیت نانہہ یقینی بناویو جا سکے۔ واضع رہ جے تیجا تے آخری مرحلہ غے تحت پہلی اکتوبر نانہہ 40 اسمبلی حلقاں مانہہ ووٹینگ منعقد وے گی۔

\*\*\*\*\*

### Peaceful Elections

جموں کشمیر اسمبلی چناؤ غا دوجا مرحلہ غی ووٹینگ پچھلی شام پُر امن طور ور اختتام پزیر ہو گئی ہے۔ اس ضمن مانہہ 6 ضلعاں ور مشتمل 26 اسمبلی حلقاں مانہہ کسے وی طرح غا ناخوشگوار واقع غی خبر نہیں آئی ہے۔ اس مرحلہ غے تحت کشمیر صوبہ غا گا ندر بل، بڈگام تے سرینگر غا 15 اسمبلی حلقاں جد کہ جموں صوبہ غا 11 اسمبلی حلقاں جن مانہہ گلاب گڑھ، ریاسی، شری ماتا ویشنو دیوی، کالاکوٹ سندر بنی، نو شہراہ، راجوری، بدھل، تھنہ منڈی، سرنکوٹ، پونچھ حویلی تے مینڈھر شامل ہیں مانہہ ووٹینگ کرائی گئی۔ سرحدی ضلع پونچھ تے راجو ری مانہہ وی ووٹینگ پُر امن رہی جت حالیہ دہشت گردانہ حملان غے چلتیں حفاظت غا کڑا بندو بست کیا گیا تھا۔ واضع رہ جے دوجا مرحلہ غے تحت 3 ہزار 5 سو 2 پولینگ سٹیشناں گو قیام کیو گیو تھو۔ اس مرحلہ غے تحت چناؤ مانہہ حصول لین آلا اہم سیا سی رہنماں مانہہ نیشنل کا نفرنس غا نائب صدر تے سابق وزیر اعلیٰ عمر عبداللہ، بی جے پی غا رویندر رینہ، اپنی پارٹی غا الطاف بخاری تے کئی دوجا شامل ہیں۔

\*\*\*\*\*

### Foreign Diplomats

پندرہ ممبراں ور مشتمل غیر ملکی وفد نے جموں کشمیر مانہ پولینگ کرایا جان ور اطمینان غو اظہار کیو ہے۔ ان سفارت کاراں غی طرفوں پچھلے تہاڑے سرینگر غا بکھ بکھ پولینگ سٹیشن غو دورو وی لا یو ہے۔ واضع رہ جے اس وفد مانہ امریکہ، گیانہ، جنوبی کو ریہ، سومالیہ، پانامہ، سنگا پور، نا نجرہ، سپین، جنوبی افریقہ، نا روے طنزانیہ، روانڈا، الجریہ تے پھلپین غا سینئر سفارت کار شامل تھا۔ اس ضمن مانہ دہلی مانہ مقیم امریکہ غا نائب چیف جو رجن کے انڈریوز نے کہیو ہے جے ووٹینگ غو عمل جمہوری تے بہتر دیکھن نانہ مل رہیو ہے۔ جناب اینڈریوز 10 بہراں بعد جموں کشمیر مانہ انتخابات دیکھن بارے پُر جوش تھا تے انہاں نے کہیو جے اس دورہ غے تحت انہاں نانہ بھارتی جمہوری نظام غا کم کرن بارے کئی نوی چیز سیکھن نانہ لئی ہیں۔

\*\*\*\*\*

### JK LG Gratitude

لیفٹنٹ گو رنر منوج سنہا نے اسمبلی انتخابات غا دوجا مرحلہ غے تحت متی تعداد مانہ شرکت کرن ور تمام ووٹراں نانہ مبارک باد دتی ہے۔ جناب سنہا نے کہیو جے جمہوری نظام غی یاہ چمکتی وی مثال ہے۔ اک سماجی میڈیا پوسٹ مانہ جناب سنہا نے چناوی افسراں، جموں کشمیر پولیس تے حفاظتی دستاں غی خدمات غی سراہنا کی جن غی کوششاں سنگ دوجا مرحلہ غا 26 اسمبلی حلقاں مانہ پُر امن صاف و شفاف پولینگ منعقد ہوئی ہے۔

\*\*\*\*\*

### 3rd Phase Campaigning

جموں کشمیر مانہ دوجا مرحلہ غا چناؤ ختم ہون توں بعد تمام سیا سی جماعت بُن تیجا تے آخری مرحلہ گا 40 اسمبلی حلقاں ور توجہ مرکوز کر رہی ہیں۔ جت پہلی اکتوبر نانہ ووٹینگ درج کی جائے گی۔ اس ضمن مانہ مرکزی وزیر داخلہ امت شاہ اج جموں غا دورہ ور آیا ہیں جت تیجا تے آخری مرحلہ واسطے بی جے پی غا امیدواراں غا حق مانہ ریلی کریں گا۔ اس دورہ غے دوران جناب شاہ اُدھم پور تے کٹھوعہ مانہ ریلیاں سنگ خطاب کریں گا۔ 28 ستمبر نانہ وزیر اعظم نریندر مو دی وی جموں کشمیر اسمبلی انتخابات غا تیجا تے آخری مرحلہ واسطے مہم واسطے دورو کریں گا۔ حزب اختلاف غا رہنما تے کا نگریس غا لیڈر راہل گاندھی نے پچھلے تہاڑے ریلی کر غے ووٹراں نانہ اپنی طرف راغب کرن غی کوشش کی ہے۔ اُنکاں پی ڈی پی صدر تے سابق وزیر اعلیٰ محبوبہ مفتی وی پچھلے تہاڑے جموں پُجیں ہیں جے وے اپنا امیدواراں گا حق مانہ ریلی تے روڈ منعقد کر رہی ہیں۔ نیشنل کانفرنس جماعت وی جموں خطہ ور توجہ مرکوز کر رہی ہے جت واہ کانگریس غی حمایت مانہ ہے۔

\*\*\*\*\*

### Siachen

صدر جمہوریہ محترمہ دروپدی مُرمو اج لداخ مانہ سیاچن بنیادی کیمپ گو دورو کریں گی۔ اس دورہ غے دوران وین اُت تعینات فوجی جواناں سنگ گل بات کریں گی۔ مہارا آکاشوانی لہیہ غا نمائندہ نے خبر ثوری ہے جے صدر جمہوریہ غو یوہ سیاچن غو پہلو دورو وے گو جد کہ لداخ غو اُن غو یوہ دوجو دورو ہے۔ سیاچن گلشیر رینج کا رکروم مانہ واقع ہے جہیڑو دُنیا غو سب توں اچو فوج غی زیر قبضہ علاقہ ہے۔ واضع رہ جے بھارتی فوج نے اس خطہ ور سال 1984 مانہ آپریشن میگڈاٹ غے ذریعے اپنو قبضو جمایو تھو۔